

## **Балқаш қаласы әкімияты Резервінің қаражатын пайдаланудың Қағидасын бекіту туралы**

### *Күшін жойған*

Қарағанды облысы Балқаш қаласы әкімиятының 2003 жылғы 20 наурыздағы N 8/5 қаулысы. Қарағанды облысының Әділет басқармасында 2003 жылғы 10 сәуірде N 1121 тіркелді. Күші жойылды - Қарағанды облысы Балқаш қаласының әкімдігінің 2007 жылғы 31 мамырдағы N 22/04 қаулысымен

**Ескерту. Күші жойылды - Қарағанды облысы Балқаш қаласының әкімдігінің 2007.05.31 N 22/04 қаулысымен.**

Қазақстан Республикасының "Бюджет жүйесі туралы" Заңын, "Қазақстан Республикасындағы жергілікті мемлекеттік басқару туралы" Заңын, Қазақстан Республикасы Үкіметінің 1999 жылғы 18 қыркүйектегі "Қазақстан Республикасының Үкіметі резервінің қаражатын пайдаланудың тәртібін бекіту туралы" N 1408 қаулысын іске асыру мақсатында Балқаш қаласының әкімияты

**Қ а у л ы е т е д і :**  
1. Балқаш қаласы әкімияты резервінің қаражатын пайдаланудың Қағидасы бекітілсін (Қ о с ы м ш а).

2. Осы қаулының орындалуын бақылауды өзіме қалдырамын.

*Балқаш қаласы әкімінің*

*міндетін атқарушы*

Балқаш қаласы әкімиятының  
2003 жылғы 20 наурыздағы  
N 8/5 "Балқаш қаласы әкімияты  
Резервінің қаражатын пайдаланудың  
Қағидасын бекіту туралы"  
қаулысымен Бекітілген  
Қосымша

## **Балқаш қаласы әкімияты резервінің қаражатын пайдаланудың Қағидасы**

Осы Қағида Балқаш қаласы әкімияты резервінің қаражатын бөлудің және пайдаланудың ретін белгілейді.

### **1. Жалпы ережелер**

1. Осы Қағида мынадай ұғымдар пайдаланылады:  
қала әкімиятының резерві - тиісті қаржы жылына арналған қалалық бюджетте көзделген және бір жолғы сипаттағы көлденең шығыстарды қаржыландыру үшін қала әкімиятының қаулысы бойынша бөлінетін қаражат;  
көлденең шығыстар - ағымдағы қаржы жылына арналған қалалық бюджетті қалыптастыру кезінде күні бұрын жоспарлау мүмкін емес және ағымдағы қаржы жылында кейінге қалдырмай қаржыландыруды талап ететін шығыстар;  
қалалық бюджеттен қаржыландыратын қала әкімияты мен атқарушы органдарының міндеттемелерін өтей үшін қала әкімияты резервінің құрамындағы қаражат - қала әкімияты резервінің құрамында көзделетін және сот шешімдері бойынша қала әкімияты мен атқарушы органдарының міндеттемелерін өтеу үшін қалалық бюджеттік бағдарламалардың әкімшілеріне бөлінетін қаражат;  
қала әкімияты резервінің қаражатын алушы - қалалық бюджеттік бағдарламалардың әкімшісі.

2. Қала әкімияты резервінің қаражаты есебінен қаржыландырылатын бір жолғы сипаттағы көлденең шығыстарға келесі шаралар:

1) Табиғи және техногенді сипаттағы төтенше жағдайларды жою, бұған к і р е т і н д е р :

төтенше жағдайлардың пайда болу нәтижесінде зардап шеккендерге материалдық көмек көрсету;

зардап шеккендер үшін уақытша тұруға және тамақтануға орындар дайындау және ұстау;

шұғыл қимыл жасайтын авариялық-құтқару және авариялық-қалпына келтіру бөлімшелерін техникалық құтқару құралдарымен, жабдықтарымен және жарақтарымен жарақтандыру;

төтенше жағдайлар аймағына күштер мен құралдардың тасымалдануын қамтамасыз ету;

2) Сот шешімдері бойынша облыс әкімиятының, облыстық бюджеттен қаржыландырылатын атқарушы органдардың міндеттемелерін өтеу;

3) Қала әкімиятының қаулысымен айқындалатын өзге де күтілмеген шығыстар жатады.

## **2. Қала әкімияты резервінің қаражатын бөлудің және пайдаланудың тәртібі**

1. Қала әкімиятының резервінен қаражат бөлуді, қала әкімиятының қаулысы негізінде, заңдармен белгіленген тәртіппен жүргізілетін қаржыландыруды ашу арқылы, тиісті қаржы жылына арналған қалалық бюджеттің шығыстарының құрамында осы мақсаттарға бекітілген мөлшерлер шегінде қаржы бөлімі жүзеге

асырады, онда алушы, бөлінетін қаражаттың көлемі мен оларды пайдаланудың мақсаттары, сондай-ақ, қаражат қайтарымды негізде бөлінген жағдайда оларды берудің шарттары мен қайтарудың мерзімдері көрсетіледі.

2. Қала әкімиятының резерв қаражаттарының қатаң арнаулы мақсаты болады және осы Қағида мен қала әкімиятының резервтен қаражат бөлу туралы қаулысында көзделмеген мұқтаждарға пайдалануға болмайды.

3. Қала әкімиятының резервінен қаражат бөлу туралы қала әкімиятының қаулысын дайындаған кезде мынадай шарттар:

1) Қалалық бюджетте ағымдағы қаржы жылына арналған бөлінетін ақшаның б о л м а у ы ;

2) сот шешімдері бойынша қала әкімияты мен атқарушы органдарының міндеттемелерін өтеу жағдайларын қоспағанда, қала әкімиятының резерв қаражатына қажеттілік ағымдағы қаржы жылында пайда болуы және олардың қажеттілігі алушының бұрынғы міндеттемелерімен байланысты болмауы е с к е р і л е д і .

4. Берілген несие толық өтелгеннен кейін күшін жоятын әкімияттың резервінен қаражат бөлу туралы қала әкімиятының қаулысы, қала әкімиятының тиісті қаулысы негізінде жыл аяқталғанға дейін күшін жояды.

### **3. Табиғи және техногендік сипаттағы төтенше жағдайларды жоюға қаражат бөлу**

Табиғи және техногенді сипаттағы төтенше жағдайлар туындағанда, резервтен қаражат бөлу туралы айқындалған тәртіппен берілетін негізделген материалдар мен олардың тізімдемелерін Төтенше жағдайлар жөніндегі қалалық басқарма қарайды және табиғи және техногенді сипаттағы төтенше жағдайларды жою қажет кезде Қаржы бөлімінің келісімі бойынша төтенше жағдайларды жоюға арналған қаражат бөлу туралы қаулының жобасын қала әкімиятының мәжілісіне тапсырады.

### **4. Сот шешімдері бойынша қала әкімияты мен атқарушы органдарының міндеттемелерін өтеуге қаражат бөлу**

1. Сот шешімдері бойынша қала әкімиятының, атқарушы органдарының міндеттемелерін өтеу, соттың атқарушы құжаттары болған жағдайда қала әкімиятының қаражаты есебінен қамтамасыз етіледі. Қолданыстағы заңдардағы көзделген негіздемелер болған жағдайда сот шешімдері бойынша төлемдер жүргізуге міндетті қалалық бюджеттен қаржыландырылатын атқарушы органдар аталған шешімдерге барлық сот сатыларында шағым беруге тиіс.

Атқарушы органдар шағым берілген сот кесімдерінің көшірмелерін қалалық

бюджеттік бағдарламаның әкімшісіне беруі тиіс.

Атқарушы органдар өздерінің заңсыз қабылдаған кесімдері үшін, сондай-ақ, өздерінің лауазымды адамдарының әкімшілік басқару саласындағы заңсыз іс-әрекеттері үшін оларға "Әкімшілік шығыстар" бағдарламасы бойынша бөлінген ақшамен жауап береді.

2. Қала әкімиятының міндеттемелерін өтеуге қала әкімиятының резервінен қаражат бөлу туралы қала әкімияты қаулысының жобасын белгіленген заңдылықтар тәртібімен Қаржы бөлімі дайындайды.

3. Атқарушы органдардың міндеттемелерін өтеуге қала әкімиятының резервінен қаражат бөлу туралы қала әкімиятының қаулысының жобасын тиісті атқарушы органдар белгіленген заңдылықтар тәртібімен Қаржы бөлімімен келісіп дайындайды және қала әкімиятының аппаратына тапсырады.

## **5. Өзге де көзделмеген шығыстарға қаражат бөлу**

1. Қала әкімиятының резервінен өзге де көзделмеген шығыстарға қаражат бөлу үшін қалалық бюджеттік бағдарлама әкімшілері Қаржы бөліміне тиісті негіздемелерімен және есептеулерімен бірге қаражат бөлу туралы өтініш тапсырады.

2. Қаржы бөлімі берілген өтініш негізінде қала әкімиятының резервінен қаражат бөлудің мүмкіндігі, не болмаса мүмкін еместігі туралы қорытынды береді.

Қаржы жылының ішінде қаражатты табиғи және техногендік сипаттағы төтенше жағдайларды жоюға және өзге де көзделмеген шығыстарға тиімді бөлу мақсатында өтінішті қарау кезінде, қала әкімиятының резервінен өзге де көзделмеген шығыстарға бөлінетін қаражаттың сомасы, әрбір ағымдағы тоқсанда қалалық бюджетте табиғи және техногендік сипаттағы төтенше жағдайларды жоюға және өзге де көзделмеген шығыстарға көзделген жылдық соманың 25%-нен аспауы тиіс. Бұл ретте қала әкімиятының резервінен табиғи және техногендік сипаттағы төтенше жағдайларды жоюға және өзге де күтілмеген шығыстарға қаражат бөлу туралы қала әкімиятының бұрын қабылданған қаулылары есепке алынады.

3. Қалалық бюджеттік бағдарлама әкімшісінің өтініші бойынша оң қорытынды болған жағдайда қала әкімиятының резервінен өзге де көзделмеген шығыстарға қаражат бөлу туралы қала әкімияты қаулысының жобасын белгіленген заңдылықтар тәртібімен Қаржы бөлімімен келісіп осы қалалық бюджеттік бағдарламаның әкімшісі дайындайды.

## **6. Бақылау және есептілік**

1. Қала әкімиятының резервінен бөлінген қаражатты алушылар Қаржы бөлімі белгілеген тәртіппен және уақытында олардың пайдалануы, орындалған жұмыстардың көлемі мен құны туралы есеп беруі тиіс.

2. Қаржы бөлімі қала әкімиятының резерв қаражатын пайдалану және тиісті кезеңге оның қалдықтары туралы қала әкімиятына ай сайын ақпарат тапсырады.

3. Қала әкімиятының резервінен бөлінетін қаражатты мақсатсыз пайдаланғаны үшін алушы Қазақстан Республикасының заңдарында қарастырылған тәртіппен жауап береді.

4. Қала әкімиятының резервінен қаражатты мақсатқа пайдалануға бақылау жасауды Қаржы бөлімі жүзеге асырады.